

Ҳаё фақат яхшилик келтиур



12:49 / 05 февраль 1056

Имрон ибн Ҳусойн розияллоҳу анҳудан ривоят қилинган ҳадиси шарифда Набий соллаллоҳу алайҳи васаллам «Ҳаё фақат яхшилик келтиради» деб марҳамат қилғанлар.

Имом Бухорий ривояти.

Ушбу ҳадиснинг бошқа бир ривоятида «Ҳаёниңг барчаси яхшиликтар» дейилган.

Имом Муслим ривояти.

Ҳаёли инсонларда яхшилик уруғлари бор. Фитратлари бузилиб кетмаган. Гарчи, бандачилик билан айрим иллатларга мубтало бўлган бўлсалар-да, қалбларини буткул моғор қоплаб олмаган бўлади.

Ҳаё шунинг учун ҳам муҳим ва мақталган сифат. Унинг ўзи инсонга нима яхшию нима ёмонлигини кўрсата олади. Набий соллаллоҳу алайҳи васаллам марҳамат қилиб айтганларидек, қадим нубувват сўзларидан бўлган ва замонлар ўтиши, шариатлар ўзгариши билан ўзгармаган, барча оқиллар қабул қилган бир ҳикматли сўз бор. У ҳам бўлса «**Агар уялмасанг, билганингни қил!**». Шундай экан бирор кимса ҳаёни тарк қилдими, унда хайр қолмабди.

Абу Масъуд Уқба ибн Амр ал-Ансорий розияллоҳу анҳудан ривоят қилинган ҳадиси шарифда шундай дейилади:

Расулуллоҳ соллаллоҳу алайҳи васаллам дедилар:

**«Илк нубувват қаломидан одамлар етишган ҳикматлардан бири:
«Уялмасанг, хоҳлаганингни қил!» сўзидир».**

Имом Бухорий ривояти.

«Уялмасанг хоҳлаганингни қил!» деган сўз **«Агар уялмасанг,
кўнглингга келган ифлосликларни қилавер, бироқ, албатта, қилган
ишларингнинг жазосига йўлиқасан!»** деган маънони ифода қилади. Бу
сўздан **«Уялмаган одамга ҳамма иш шаръян жоиз экан»** деган янгиш
фикрга келмаслик лозим. Шунингдек, ҳадиси шарифдан **«фақат ҳаёсиз
одамгина кўнглига келган ҳар қандай ишларни қилаверади»** деган
маъно ҳам чиқади.

Ҳаё ҳисси инсонни гуноҳ ишлардан тийиб туради. Охири бориб-бориб
мазкур гуноҳдан буткул қутулишига ҳам сабабчи бўлади.

Бир инсон айтади:

«Авваллари сигарет чекишига қаттиқ мубтало бўлган эдим. Кейинчалик,
атрофимда намозхон кишилар, илмли инсонлар пайдо бўлди. Улардан
уялганимдан бу ишни камайтирдим. Яшириб чекадиган бўлдим. Аммо, уст-
бошимга ўтириб қолган тутун ҳидидан барибир фош бўлиб қолардим.
Охири, умуман чекмайдиган бўлдим. Шу сабаб, Аллоҳнинг марҳамати
 билан бу иллатдан буткул халос бўлдим». Бунинг барчасига одамлардан
уялишим сабабчи бўлди, дея сўзига якун ясади, дўстим.

Машҳур тобеинлардан бўлган Жарроҳ Ҳакамий айтади:

**«Одамлардан ҳаё қилганим учун кўп гуноҳлардан қирқ йил
давомида тийилдим. Ундан кейин менда тақво ва вараъ пайдо
бўлди».**

Баъзи фикрий маҳдудликка дучор бўлган одамларнинг фалсафаси
қуйидагича:

**«Аллоҳдан уялмаган бандасидан уялманми?!» ёки «Аллоҳдан
яширмаган бандасидан яшираманми?!».** Бу тоифадагилар ушбу ноқис
фалсафани қурол қилган ҳолда bemalol ҳаром қилинган ишларни ўзгалар
кўз ўнгига қилаверадилар. Бугун бандасидан уялиб, маъсият ишлардан
тийилиб тур, эртага Аллоҳдан уялиш ҳам насиб бўлса, ажабмас. Боз устига,
ҳаром ишни бузук мантиқдан келиб чиқиб, ошкора содир қилсанг, омма

ицида фиску фужурнинг янада ёйилишига, кўзлар ўрганиб, дийдалар қотишига сабабчи бўласан. Сўнгра, ўзинг қилмаган гуноҳларга ҳам шерик бўласан. Шундай экан, қўй бу «ақлли гапингни» биродар, дегим келади, шундайларга.

Ундан ташқари, ҳаром ишни содир қилиш бир гуноҳ бўлса, уни ошкора равишда амалга ошириш яна бир бошқа гуноҳдир.

Абу Ҳурайра розияллоҳу анҳудан ривоят қилинган ҳадиси шарифда Набий соллаллоҳу алайҳи васаллам **«Умматимнинг барчасига оғият берилади. Илло, ошкора қилувчилар мустасно»** деганлар.

Имом Бухорий ривояти.

Мазкур ҳадис мазмунига кўра, фиску фужур ва маъсиятлардан бўлган бирор ишни содир қилган ҳар қандай кимса учун Аллоҳнинг мағфирати, сатри, афви ва оғияти умид қилинади. Аммо, ўз фисқини очиқ-ойдин эълон қиласидиган, балки, бундан фахрур түядиган нодон кимсалар Аллоҳнинг сатри ва оғиятидан маърумдирлар. Уларни Аллоҳ беркитмайди. Одамларга асл ҳолатини кўрсатиб шарманда қиласиди. Чунки, унинг ўзи-ўз лисони ҳоли или шуни хоҳлайди. Ўз гуноҳини ўзи ошкор қиласиди. Кейин тилларда достон бўлса, жаҳли ҳам чиқади. Ахир, ўз устидаги ҳаё либосини ўзи улоқтирганмиди?! Гуноҳни ўзи ошкора содир қилмаганмиди?! Энди, нега ғийбатга нишон бўлса, ғазаби келади?!

Ҳадиси шарифдан оладиган сабоқларимиздан яна бири шуки, бир гуноҳни содир қилган кимса, уни яширсин. Ошкор қилмасин. Аллоҳга тавба қилсин. Бордию, бирор маъсият турига мубтало бўлиб, ундан қутулиши қийин бўлаётган бўлса уни баралла эълон қилмасин. Ошкора равишда содир этмасин. Балки, ўзини ўзи сатр қилсин. Ана шунда ҳадиси шарифда ваъда қилинган оғиятга етишади, иншааллоҳ.

Баъзилар зиёли, тарбияли оилада униб-ўсганликлари туфайли фитратларига ҳаё ҳисси мустаҳкам ўрнашган бўлади. Уларда бу хислат жибилий бўлади. Бундай инсон Аллоҳ таолога ҳамду санолар айтиб, ўзидаги бу неъматни муҳофаза қилсин. Бошқа айримлар эса атрофларини ўраб турган носоғлом ҳолатлар таъсирида ҳаё сифатидан бироз маҳрум бўладилар. Қўрс-қўпол, дағал ва маданиятсиз бўладилар. Қаерда ўзларини қандай тутишни билмай қоладилар. Ўзларига ташқаридан назар sola олмайдилар. Бундай кишилар энди ҳаракат ва интилиш билан ўзларида мазкур сифатни шакллантиришлари лозим. Зоро, ҳаммада ҳам ҳаё

жибилий бўлавермайди. Балки, кўпларда муктасаб бўлади. Ўрганиш орқали ҳосил қилинади.

Аллоҳ таоло барчамизни Ўзидан ва бандаларидан ҳаё қилувчи қулларидан қилсин.

Алишер Султонходжаев

Ушбу мақола Ўзбекистон Республикаси Дин ишлари бўйича қўмитанинг 2024 йил 25 январь 03-07/400-сонли хуносаси асосида тайёрланди.